

UNIVERZITET U SARAJEVU

FILOZOFSKI FAKULTET

Na osnovu članova 79. i 83. Zakona o visokom obrazovanju ("Službene novine Kantona Sarajevo" broj: 33/17.), člana 135. Statuta Univerziteta u Sarajevu, člana 63. Pravila Filozofskog fakulteta Univerziteta u Sarajevu - Prečišćeni tekst, člana 23., 24. i 25. Pravila studiranja za treći (III) ciklus studija na Univerzitetu u Sarajevu, Odluke Senata Univerziteta o saglasnosti za otvaranje trećeg ciklusa studija iz pedagogije – Teorije i istraživanja kreativnog odgoja i obrazovanja broj: 01-38-1828/14 od 07.05.2014. godine, Prijedloga Vijeća Doktorskog studija od 15. 3. 2018. godine, Prijedloga odluke Vijeća Filozofskog Fakulteta broj: 03-09/78 od 4. 4. 2018. godine, Odluke Senata Univerziteta o saglasnosti na raspisivanje konkursa za upis studenata trećeg ciklusa studija – doktorski studij iz pedagogije – Teorije i istraživanja kreativnog odgoja i obrazovanja – na Odsjeku za pedagogiju u studijskoj 2018/2019. godini broj: 01-405/18 od 25. 4. 2018. godine i Prethodne saglasnosti Ministarstva za obrazovanje, nauku i mlade Kantona Sarajevo na raspisivanje konkursa za upis studenata trećeg ciklusa studija – doktorski studij iz pedagogije – Teorije i istraživanja kreativnog odgoja i obrazovanja – na Odsjeku za pedagogiju u studijskoj 2018/2019. godini broj: 11/05-38-18430-7/18 od 19. 6. 2018. godine, Filozofski fakultet Univerziteta u Sarajevu *objavljuje*

KONKURS/NATJEČAJ

za upis studenata TREĆEG CIKLUSA - DOKTORSKI STUDIJ IZ PEDAGOGIJE –
Teorije i istraživanja kreativnog odgoja i obrazovanja

na Filozofskom fakultetu Univerziteta u Sarajevu u studijskoj 2018/2019. godini

I.

Konkurs/natječaj se raspisuje za upis studenata u treći ciklus studija - doktorski studij iz pedagogije – Teorije i istraživanja kreativnog odgoja i obrazovanja.

Studij se organizira u trajanju od tri godine, a njegovim završetkom stiče se naučno zvanje DOKTOR PEDAGOŠKIH NAUKA.

II.

Pravo pristupa doktorskom studiju i podnošenje prijave imaju slijedeći kandidati:

1. Kandidati koji su stekli diplomu drugog ciklusa studija, akademsku titulu i stručno zvanje magistra iz odgovarajuće oblasti nauke na Filozofskom fakultetu Univerziteta u Sarajevu (pedagogija i srodnih polja iz područja društvenih/humanističkih nauka).
2. Kandidati koji su stekli diplomu drugog ciklusa studija, akademsku titulu i stručno zvanje magistra iz odgovarajuće oblasti na drugoj visokoškolskoj ustanovi u Bosni i

Hercegovini (pedagogije, pedagogije i psihologije, antropologije, iz područja primarnog obrazovanja, ranog i predškolskog odgoja i obrazovanja, iz srodnih polja iz područja društvenih/humanističkih nauka: odgojne znanosti, psihologija, sociologija, informacijske i komunikacijske znanosti i edukacijsko-rehabilitacijske znanosti, studije nastavničkih usmjerenja).

3. Kandidati koji su stekli diplomu drugog ciklusa studija, akademsku titulu i stručno zvanje magistra iz odgovarajuće oblasti na drugoj visokoškolskoj ustanovi u inostranstvu nakon provedenog postupka sticanja uslova za upis na doktorski studij u skladu sa uvjetima ovog konkursa/natječaja (pedagogije, pedagogije i psihologije, antropologije, iz područja primarnog obrazovanja, ranog i predškolskog odgoja i obrazovanja, iz srodnih polja iz područja društvenih/humanističkih nauka: odgojne znanosti, psihologija, sociologija, informacijske i komunikacijske znanosti i edukacijsko-rehabilitacijske znanosti, studije nastavničkih usmjerenja).
4. Kandidati koji su stekli naučni stepen magistra nauka po ranijem Zakonu o visokom obrazovanju, kojima se priznaje 60 (E)CTS bodova (pedagogije, pedagogije i psihologije, antropologije, iz područja primarnog obrazovanja, ranog i predškolskog odgoja i obrazovanja, iz srodnih polja iz područja društvenih/humanističkih nauka: odgojne znanosti, psihologija, sociologija, informacijske i komunikacijske znanosti i edukacijsko-rehabilitacijske znanosti, studije nastavničkih usmjerenja).
5. Masteri iz drugih oblasti, pod uslovom da zadovolje uslove i kriterije upisa.

Dodatni uvjeti za upis su:

- Prosjek ocjena ostvaren na dodiplomskom i diplomskom studiju – minimalno 8,00
- Magistri nauka moraju imati minimalni prosjek ocjena sa osnovnog četverogodišnjeg studija 8,00
- Poznavanje engleskog i drugog svjetskog jezika na razini B2
- Osvojen potreban broj bodova iz selekcijskih postupaka.

Pod jednakim uvjetima prednost u rangiranju imat će kandidati s obzirom na:

- Objavljene znanstvene ili stručne radove iz polja pedagogije ili drugih obrazovnih područja
- Radno iskustvo na naučno-istraživačkom projektu iz polja pedagogije ili drugih obrazovnih područja uz potvrdu voditelja projekta.

Kandidati prilikom prijave na konkurs moraju naznačiti za koji se izborni modul opredjeljuju:

1. Kreativni odgoj i obrazovanje u učećem društvu
2. Kreativni odgoj, kultura i kič
3. Aksiološki osnove kreativnog odgoja
4. Razvijanje i podsticanje kreativnog ponašanja učenika

Kandidati strani državljani prijavljuju se na konkurs pod istim uslovima kao i državljani Bosne i Hercegovine, uz uvjet da dostave rješenje o nostrifikaciji.

III.

Studij se organizira kao redovni i kao vanredni studij u zavisnosti od interesa i mogućnosti pohađanja prijavljenih kandidata.

IV.

Visina školarine iznosi 5.000,00 KM po godini studija.

V.

Konkurs/natječaj se raspisuje za 8 kandidata, a nastava za studij će se organizirati ukoliko se na konkurs prijavi najmanje 3 kandidata.

Uz prijavu na konkurs, kandidati su obavezni dostaviti:

1. Biografiju
2. Diplomu o završenom prethodnom obrazovanju (original ili ovjerena fotokopija)
3. Uvjerenja o položenim ispitima s dodiplomskog i diplomskog studija (original ili ovjerena fotokopija)
4. Rješenje o nostrifikaciji (original ili ovjerena fotokopija)
5. Izvod iz matične knjige rođenih (original ili ovjerena fotokopija)
6. Uvjerenje o državljanstvu (original ili ovjerena fotokopija)
7. Dokaz o poznavanju stranog jezika B2 razina (original ili ovjerena fotokopija)
8. Uplatnicu od 40 KM (Svrha: prijava na konkurs, Broj računa: 1401010000418297 SBERBANK BH)
9. Objavljene znanstvene ili stručne radove iz polja pedagogije ili drugih obrazovnih područja
10. Dokaz za radno iskustvo na naučno-istraživačkom projektu iz polja pedagogije ili drugih obrazovnih područja uz potvrdu voditelja projekta
11. Esej interesovanja

Konkurs ostaje otvoren do 30. 9. 2018. godine.

Prijave dostaviti na adresu: Filozofski fakultet Univerziteta u Sarajevu, ulica Franje Račkog 1, 71 000 Sarajevo, sa naznakom „Prijava za upis na doktorski studij iz pedagogije - Teorije i istraživanja kreativnog odgoja i obrazovanja“, u zatvorenoj koverti.

Obrazac prijave može se preuzeti na Protokolu Filozofskog fakulteta Univerziteta u Sarajevu, soba 75, ili sa WEB adrese Fakulteta www.ff.unsa.ba.

Konkurs za upis na III ciklus studija produžava se do 30. 11. 2018. godine.